



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 32. Quædam a Donatistis in Africa vi injusta peracta.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

quem Julianus Orationem suam in Lau-
dem Solis direxit, ubi omnem Rhetoricæ
sux artem, & Theologiæ Gentilis Myste-
ria dilucide exponit. Hunc Collegam
in Consulatu assumpsit anno 363. S. Hi-
larius modicum tractatum contra hunc
Præfectum Salustium, & contra quem-
dam Medicum, nomine Dioscorum scri-
psit, nempe, ut pronum est conjecturare,
in Religionis Catholicæ defensionem.

Sæculum IV.
A. C. 362.

Am. XXI.

c. 8.

Hier. script.

Id. ad Magn.

Ep. 48. pag.

310.

§. XXXII.

*Quædam a Donatistis in Africa vi
injusta peracta.*

Donatistæ in Africa occasionem sibi fa-
vere rati, Libellum Juliano obtule-
runt, quo rogabant, ut Episcopi sui sub
Imperatore Constante, cum Paulum, &
Macarium in Africam misisset, proscripti,
revocarentur. Facile, quod petebant,
Julianus concessit, jussitque, ut in posses-
sionem Ecclesiarum suarum postliminio
mitterentur. Veniunt ergo armata ma-
nu, possessionem invadunt, multisque in
locis, patratæ cædibus, ingentis sævitæ
specimina edunt; judices vero tantæ cru-
delitatis exempla ad Imperatorem per-
scribere sui esse muneris duxere. Felix
Episcopus Zabanus, & Januarius Flumen-
pisciensis venerunt Lemellam, ubi cum
clausis Ecclesiæ portis arcerentur, quos-
dam suorum tectum conscendere, & la-
teres

Optat. lib. 2.

Sup. 12. §.

48. Aug. ad

Donat. ep.

105. al. 166.

Sæculum IV.
A.C. 362.
 teres auferri iusserunt; atque, Diaconis Catholicis altare tuentibus, plures vulnerati, & duo occisi sunt. Primofus Episcopus Catholicus Lemellanus de facti atrocitate Concilio Thebesteno, quod Donatistæ agebant, amarissime conquestus, surdis auribus fabulam cecinit. Thipasum, Mauritanix Casareanæ, urbem, duo Episcopi Donatistæ ex Numidia Urbanus Formesanus, & Felix Idicriensis quibusdam Ducibus, & Præsidente Athenio stipati, cum signis militaribus irruerunt; ibi populus Catholicus eiecus, viri vulneribus læsi, mulieres raptatæ, quarum non nullæ abortum fecere; occisi infantes; imo Evcharistia canibus projecta; at canes subita rabie acti, & in Dominos suos irruentes, eosdem dentium morsibus dilacerarunt. Ampulla, qua Sacrum Chrisma servabatur, per fenestram dejecta, & petrx incidens, non est comminuta. Moniales in hoc tumultu defloratæ. Inter cœteras una ab Episcopo Felice compressa est, cui ipsemet Mitram olim tanquam filix suæ Spirituali imposuerat. Hæc Mitra erat pileus ex lana candida, purpura ornatus, qui in Africa Virginibus, Deo consecratis, in signum suæ Professionis, sicut alibi velamen, dari consueverat.

Opt. l. 6. Donatistæ illis Virginibus, quas in suas partes traxerant, Mitras, ab Episcopis
 Catho-

Catholicis acceptas, detrahebant, & im-
ponebant novas. Fideles exorcizabant,
ut denuo rebaptizarentur, muros Eccle-
siarum abluebant, altaria confringebant,
& flammis tradebant, quippe pleraque
in Africa erant ex ligno. Sacri calices com-
minuebantur, & liquabantur, ut in alios
usus verterentur. Verbo ea omnia Do-
natistæ profanata æstimabant, quæcunque
Catholici Episcopi consecrassent, quapro-
pter eorum Evcharistiam ante canes mit-
tebant. Catholicorum Diaconos, Pres-
byteros, & Episcopos ad Laicorum ordi-
nem detrudebant; pœnitentiam Virgini-
bus, & innocentissimis infantibus injun-
gebant, cum autem hoc non nisi perfun-
ctorie fieret, tempora a Canonibus præ-
scripta non servabant, sed hic post unum
annum, alter post mensem, & alius post
diem unam pœnitendi finem faciebant.

§. XXXIII.

Confessio S. Apollonii in Ægypto.

Imperatoris in Christianos odium omni-
um Provinciarum Rectoribus ansam
præbuit, eos persequendi, multas extor-
quendi pecunias, & tormentis affiendi,
optime gnaris, etsi ultra Juliani mandata
agerent, nullas ideo a se pœnas exigen-
das; & re ipsa quoties Christiani de in-
juriis quererentur, Imperator responde-
bat: *vestra hæreditas est, omnia adversa*

G 4

patien-